



2. ფაღიაშვილის ქ. ქ.ქუთაისი, ტელ.: 0(431) 241470, 211141, 250483 5(77)442224, www.rionity.com, www.radio.rionity.com, E-mail:rionity@rionity.com.
რეგისტრირებულია ქ.ქუთაისის სასამართლოს მიერ 10.05.1995წ. რეგ. #12/4-10, ს.კ. 212678093, საწესდებო კაპიტალი 2200 ლარი. ვეი. დირექტორი თ.ღვინაძე

16 - 24

30 აპრილი, 2024 წ.

საქართველოს კომუნიკაციების ეროვნულ კომისიის თავმჯდომარეს ბატონ კახი ბექაურს

შპს ტელე-რადიო კომპანია „რიონის“ 2023 წლის ანგარიში

შპს ტელე-რადიო კომპანია „რიონი“ საანგარიშო 2023 წელს თავის საქმიანობაში ხელმძღვანელობდა საქართველოს მოქმედი კანონმდებლობით, კანონებით მაუწყებლობისა და ელექტრონული კომუნიკაციების შესახებ, მაუწყებელთა ქცევის კოდექსით.

ტკ „რიონი“ მოთხოვნისამებრ გადავიდა ციფრულ მაუწყებლობაზე (37-ე დეციმეტრული დიაპაზონი) 600 ვტ-ის სიმძლავრის გადამცემის გამოყენებით. სამაუწყებლო არეალია ქუთაისი და მიმდებარე რაიონები. მოდიფიცირებული ლიცენზიით - მთელი საქართველო. რიონი ჩართულია საკაბელო ქსელებში: სილქტვ, ტვ7, გლობალტვ, დიჯიტალტვ, მაგთის IPTV, ახალი ქსელების, ქუთაისისა და თბილისის საკაბელო ქსელები და სხვ.

ტკ „რიონის“ გადაცემები გარდა myvideo.ge-ისა ვრცელდება შემდეგი ინტერნეტსაიტებით: rionity.com (Live), internettv.ge, navi.ge და სხვ.

რადიო „რიონი“ სიხშირეზე (FM 105,5) თავის პროგრამებს (5 საავტორო პროგრამა), მათ შორის დღის ამბებს ავრცელებს ქუთაისსა და მიმდებარე რაიონებში. მაუწყებლობს ინტერნეტითაც, ფეისბუქის ოფიციალურ გვერდსა და ვებგვერდზე radio.rionitv.com

როგორც სატელევიზიო, ისე რადიო პროგრამები არქივდება.

2023 წელს ტელე-რადიო კომპანია „რიონის“ შემოსავალმა შეადგინა 227827 (ორას ოცდამეტი ათას რვაას ოცდამეტი) ლარი დღგ-ს გარეშე.

2023 წელს სახელფასო ფონდში დარიცხულია 98258 (ოთხმოცდათვრამეტი ათას ორას ორმოცდათვრამეტი) ლარი

ძირითადი საშუალებების საბოლოო საბალანსო ღირებულებაა 43883 (ორმოცდა სამი ათას რვაას ოთხმოცდასამი) ლარი. ადმინისტრაციული, კომუნალური და საკომუნიკაციო ხარჯები - 55598 (ორმოცდათხუთმეტი ათას ხუთას ოთხმოცდათვრამეტი) ლარი. ბიუჯეტში გადახდილია 63170 (სამოცდასამი სამი ათას ას სამოცდაათი ლარი).

დაფინანსების წყაროები: საეთერო და სარეკლამო დროის გაყიდვით მიღებული შემოსავალი-109097 (ას ცხრა ათას ნოლ ოთხმოცდაჩვიტმეტი) ლარი, ადგილობრივი თვითმმართველობის ტენდერით (შესრულებული სამუშაოდან მიღებული_ 99 449 (ოთხმოცდაცხრამეტი ათას ოთხას ორმოცდაცხრა) ლარი; შემოწირულობიდან მიღებული შემოსავალი - 16 130 (თექვსმეტი ათას ას ოცდაათი) ლარი, ბილბორდის იჯარა - 3151 (სამი ათას ას ორმოცდათერთმეტი) ლარი. ფინანსები მოცემულია დღგ-ს გარეშე.

2023 წელს ტელე-რადიო კომპანიაში მუშაობდა 29 თანამშრომელი (18 ქალი და 11 კაცი) საშუალო ხელფასი შეადგენდა თვეში 680 ლარს.

საანგარიშო პერიოდი წამგებიანი იყო. წაგებამ შეადგინა 106 563 (ას ექვსი ათას ხუთას სამოცდასამი) ლარი. დაწვრილებითი ინფორმაცია იხილეთ აუდიტის დასკვნაში).

2023 წელი მძიმე იყო ეკონომიკური თვალსაზრისით. შემცირდა სარეკლამო დაკვეთები. ადგილობრივი ბიზნესი ნაკლებად სარგებლობდა სარეკლამო მომსახურებით, ხოლო დედაქალაქიდან რეკლამები შემოდიოდა სარეკლამო სააგენტოების გავლით, რაც მნიშვნელოვნად ამცირებდა ტელე-რადიო კომპანიის შემოსავალს..

სამაუწყებლო ბადეები ონლაინ რეჟიმში ქვეყნდებოდა საქართველოს კომუნიკაციის ეროვნულ კომისიის მიერ მითითებულ გვერდზე, ასევე ეგზავნებოდა ყველა იმ ოპერატორს, რომელშიაც ჩართულია „რიონის“ მაუწყებლობა; „რიონი“ მაუწყებლობს ლიცენზირებული პროდუქციით, სამაუწყებლო ბადესთან ერთად კომუნიკაციების კომისიაში ვაგზავნიდით და კომუნიკაციების მიერ გამოყოფილ ელექტრონულ გვერდზე ვტვირთავდით, როგორც სამაუწყებლო ბადეს , ისე საავტორო უფლებების მქონე პირების ხელშეკრულებებსა და თანხმობის წერილებს.

მაყურებელს აქვს შესაძლებლობა გაეცნოს ჩვენს პროგრამულ ბადეს, რომელიც ქვეყნდება ვებ-გვერდებზეც: rionitv.com, radio.rionitv.com

ტელეკომპანია „რიონში“ საანგარიშო პერიოდში მომზადდა „დღის ამბები“ და 9 (ცხრა) საავტორო პროგრამა -გასართობი-შემეცნებითი გადაცემა –„ ჩვენი დღე“; საავტორო პროგრამები „კოლაჟი“ და „კანონის უზენაესობა სამართლიანობისთვის (საია) „საუბარი მოძღვართან“; ტოქ-შოუები, ; „დიალოგი“, „პოლიტიკური რუკა“; „ჯანმრთელობის საათი“ საბავშვო ტელეჟურნალი „რიონულა“.

„რიონის“ ეთერში სისტემატურად გადიოდა რეგიონულ მაუწყებელთა ალიანსის მიერ მომზადებული საერთო პროდუქტი „სათვალე“ „აგროსიახლეები“ „გლობალ 3000“, „სხვა მხარე“; „უნივერსია“; დოიჩე ველეს გადაცემები: „კარგ ფორმაში“, „არტ21“, „თუმოროუ“, „ევრომაქსი“ და სხვ.

საყურადღებოა ის ფაქტი, რომ საანგარიშო პერიოდში ჩვენთან თანამშრომლობით დაინტერესდა ბევრი არასამთავრობო ორგანიზაცია, რომლებმაც თავიანთი საგრანტო პროექტებით გათვალისწინებული ტოქ-შოუები განახორციელეს ტელეკომპანია „რიონში“. მათ შორის აღსანიშნავია: რეგიონული ინიციატივების ცენტრი, „თაობათა დიალოგი“ ; ფონდი „სოხუმი“, „საია“, ქალები რეგიონების განვითარებისათვის, ადგილობრივი დემოკრატიის სააგენტო და სხვ.

ტელე-რადიო კომპანია „რიონში“ გავიდა არაერთი სოციალური რგოლი. შესრულდა ორი საგრანტო პროექტი. ნედის პროექტი ჟურნალისტიკის რესურსცენტრის მონაწილეობით.

წარმატებით მუშაობს საბავშვო-სატელევიზიო სტუდია „რიონულა“, რომელიც პერიოდულად ამზადებს ტელეჟურნალს „რიონულა“ და სხვადასხვა მნიშვნელოვან თარიღთან დაკავშირებულ საბავშვო გადაცემებს.

მაუწყებლობის შესახებ კანონის მე-14 მუხლისა და ქცევის კოდექსის შესაბამისად თვითრეგულირების მექანიზმში - დავებისა და სააპელაციო საბჭოებში, რომელიც შექმნილია და ფუნქციონირებს რეგიონულ მაუწყებელთა ალიანსში, საანგარიშო წლის მანძილზე „რიონის“ შესახებ არც ერთი საჩივარი არ შემოსულა.

რადიო „რიონი“ სიხშირეზე (FM 105,5) თავის პროგრამებს ავრცელებს ქუთაისსა და მიმდებარე რაიონებში. მაუწყებლობს ინტერნეტითაც, ფეისბუქის ოფიციალურ გვერდსა და ვებგვერდზე radio.rionitv.com. ქართულ ჰიტებთან ერთად გადაიცემოდა 4 სავტორო პროგრამა: „დღის ამბები“, „კოლაჟი“, „კანონის უზენაესობა სამართლიანობისათვის საიასთან ერთად“, ტოკ-შოუ „პოლიტიკური რუკა“; საინფორმაციო სამსახური მსმენელებს დღეში 4-ჯერ აწვდიდა სიახლეებს.

რადიო „რიონის“ ეთერში სისტემატურად გადიოდა რეგიონულ მაუწყებელთა ალიანსის მიერ მომზადებული საერთო პროდუქტი „სათვალე“ და „აგროსიახლეები“.

ციფრულ მაუწყებლობაზე გადასვლისას „რიონმა“ გამართა საკუთარი მუქსი, რომელშიაც „რიონიI“-ის გარდა ჩაისვა ავტორიზებული პირი „რიონი2“, მაუწყებელთა ალიანსის არხი „აგროგარემო“ და კომუნიკაციების კომისიის მიერ დადგენილი თანხით ხონის - ტკ „მეგატვ“.

შპს ტელე-რადიო კომპანია „რიონი“ 1989 წელს დაარსებული კომერციული ტელევიზიის სამართალმემკვიდრეა, მისი დამფუძნებელია ბადრი კაპეტივაძე. 2002 წლის 15 აგვისტოდან ტელეკომპანია „რიონის“ გენერალური დირექტორი და 100%-იანი წილის მფლობელია თამარ ღვინიაძე, რომელიც მაუწყებლობის სფეროში არ ფლობს სხვა ლიცენზიას, არც ბეჭდვით გამოცემას, არც საინფორმაციო საგენტოს, არანაირი წილი არ გააჩნია სხვა საწარმოში. ასევე არ ფლობენ სხვა ლიცენზიებსა და წილებს მისი ოჯახის წევრები. მარეგულირებელი კომისიის მოთხოვნის შესაბამისად, ტელე-რადიო კომპანია „რიონის“ ვებ-გვერდზე გამოქვეყნებულია შესაბამისობის დეკლარაცია, 2023 წლის ანგარიში და აუდიტის დასკვნა.

ანგარიშს თან ერთვის აუდიტორული დასკვნა 9 ფურცელზე.

შპს ტ/რ კომპანია „რიონი“-ს

გენერალური დირექტორი

თამარ ღვინიაძე